

民國史料叢刊

595

張研 孫燕京 主編

經濟・工業

十年來之機聯會

 大象出版社

K258.06

3

(595)

民國史料叢刊
595

張研 孫燕京 主編

經濟 · 工業

十年來之機聯會



大象出版社

上海機製國貨工廠聯合會編輯

十年來之機聯會

十年來之機聯會目錄

前言	一
本會會徽及其說明	二
本會創立時之宣言	三
本會發起人照像及略歷	垂頁
本會章程	七
本會組織系統表	一一
本會十年來大事記	一二
本會十年來經辦之重要會務	八六
本會十年來會員數目統計表	一二二

十年來之機聯會 目錄

二

本會會員工廠業別統計表	二一三
本會十年來委員會一覽表	二一四
本會十年來各種會議統計表	二二五
本會十年來收發文件統計表	三〇九
本會現任辦事員名錄	三一


前言

本會成立于民國十六年六月十五日，流光易逝，不覺已屆十週年矣。在此十年中，本會雖迭遭「一二八」滬戰等不幸事變之侵襲，然幸賴發起本會之諸先進及歷屆執監委員之努力，與夫政府之維護，各界之協助，故仍得按照立會之旨趣，循序進展，以迄於今，此守中於慶幸之餘，深致感慰者也。惟事業無止境，尤以今日中國工業之幼稚，我人之責任亦更重，是故值茲十週紀念，實有重新確立今後工作方針之必要，第念計劃將來，必先清算既往，此「十年來之機聯會」所由輯也。深願我全體會員，將本會十年來之工作，作一檢討，然後因時度勢，各抒宏論，共謀建設，守中當誓以至誠接受，並促其實現，務使本會之基礎，日趨鞏固，而各工廠之前途，亦日見光明，則本書之輯，實不僅紀念已也，是爲序。

中華民國二十六年六月四日

程守中識于機聯會

本會徽



說

明

徽形外廓爲機輪、標明係機製國貨工廠所組合之團體、機輪又屬機件中旋進不已之物、是示以本會會員、對於會務、宜有如是不息之進行、輪共二十六齒、暗示中華二十六省區同時周轉、相輔相行、中用四幺、上二幺代表機字、下二幺代表聯字、且幺字篆文、形如鏈環、取上下左右相聯不斷之意、全徽外形圓、內形方、係取本會會務與全體會員、應以內方外圓主旨、向外發展、

本會創立時之宣言

吾國生產地之富厚、勞働人之衆多、地大物博、爲世界各國冠、顧國庫空虛、不足以敷政費、人民疾苦、不足以給衣食、上下交困、達於極點、推厥其因果、莫不由於國外經濟之侵略、國內產業落後之所致也、自五卅慘案以來、國人深知非三民主義、無以言政治、非振興實業、無以講經濟、於是我國貨工廠、居扶助民生重要之地位、同時并負挽回外溢利權之使命矣、然至今日、我國貨工廠、雖受國人提倡之呼號、究其實際、不惟無振興之望、且大有江河日下之勢、論其致病之由、約有數端、

(一) 乏雄厚之資本 國家謀實業之發展、須多設大規模之工廠、組織創設、賴有雄厚之資本、我國因過去政治之不良、工商事業、有摧殘而無保護、遂至社會上祇有貧瘠之現象、而無資本家之可言、以致工商百業、均無偉大資力、以供建設、此致病之由者一、

(二) 無精良之機器 近代工業、以機製爲正宗、然以我國領土之大、竟無一完全機器製造廠、以供實業家之需要、誠爲憾事、現在各廠所有之機器、較爲精良者、大都來自外國、其間訂購之難、運輸之艱、成本之重、皆爲我國貨工廠進步之阻礙、此致病之由者二、

十年來之機聯會

(三)運輸機關不完備 工商事業與國家交通、有重大密切之關係、我國四萬萬人民、佔領土四千餘萬方里、產物之多、用品之廣、實居他國之上、今海洋輸運、悉仰給於外人之船舶、國內輸運、僅憑數千里之殘缺鐵道、幾萬噸之腐敗商船、交通不便、獲益無由、若不急求運輸機關之發達、則實業終無進展之可能、此致病之由者三、

(四)不能實行保護稅則 國貨之發展、全賴政府之保護、民國以來、北京政府、對於機製洋式貨物雖准減稅優待、而各地釐金雜捐、迄今未能盡除、以致機製國貨無從蒙其實惠、但此猶屬小焉者、而主要所在、則爲我國數百年來爲帝國主義所壓迫、受不平等條約之待遇、關稅由外人操縱、洋貨輸入、在最惠國條款之下、其所沾利益、恆超過國貨之上、以致我國幼稚之工業、不能對外競爭、而謀貿易之發展、此致病之由者四、

(五)工廠喪失管理之權 工廠之創設、當以勞工資本原料機器爲四大之原素、工廠之組織、則以管理方法爲首重之要件、近來工友行動、迭出範圍、管理規則、破壞無餘、秩序既難整飭、工作常患停滯、出品因之大減、營業隨之退化、若長此以往、則工廠永無振興之望、此致病之由者五、

(六)同業缺乏合作之功能 在工業發達之國家、最重產業聯合、以收合作之利、我國工業幼

稚、尤有合作之必要、惟向來企業家皆富於獨立創設之精神、不注意聯合互助之利益、以致研究無術、改良無方、聽其自生自滅、最爲吾業進步之大害、此致病之由者六、

以上種種、皆爲我國貨工廠亟待圖謀改造者、今當國民政府銳意圖治之時、尤應澈底覺悟、急起直追、凡責在自身者、力圖改革之、權操政府者、請願救濟之、誠不宜畏難苟安、因循坐誤、逆潮流之趨勢、失國家之屬望、爰此集合多數同志、組織機製國貨工廠聯合會、集思廣益、以求民生主義之實現、羣策羣力、而促工商百業之發展、國民民福、庶幾有身、謹致宣言、藉明本會之宗旨、并將本會擬向政府請願事項、條列於後、

(一) 取消國際不平等條約、收回關稅自主、實行獎勵海外貿易、及制定保護國貨行銷各稅則、革除釐金雜捐、

(二) 獎勵國貨出品及化學工業、尤其是新發明品、并保護意匠權、

(三) 免除機製仿造洋貨海關通過稅、及機械輸入稅、

(四) 制定工廠法及工廠管理規則、并保護工廠條例、從速成立工業主管機關、以便呈請備案及商標註冊、

(五) 設立大規模之機械製造廠、鋼鐵廠、及惠工銀行、救貧工業院、

十年來之機聯會

十年來之機聯會

六

- (六) 從速增設鐵道、修理運河、開闢商港、建築道路、
- (七) 從速頒定勞資調節法、及速設勞資仲裁法庭、
- (八) 規定勞金最低額、及勞動教育保險儲蓄各法例、
- (九) 統一全國貨幣、禁止外國紙幣行使、並禁止以銀兩爲往來之計算、
- (十) 劃一全國度量衡、



本會發起人松茂先生遺像

項松茂先生略歷

先生姓項。名世澄。松茂其字。別號渭川。浙之鄞縣人。前五洲大藥房總經理。一二八難發。靶子路支店店員被擄。先生蹶然馳赴敵營拯救。亦遭擄被害。時年五十有二。生平熱心地方公益。民國七年歐戰猶烈。創議作歐戰紀念繪畫。售資振濟國外因兵禍失所者。後以故改伙僑滬西人建歐戰紀念塔。並移捐紅十字會。救災恤隣。急公好義。著於中外報章。政府嘉其義。授三等嘉禾章。聘授前農商部諮議。先後曾任前工商部國貨展覽會委員。上海市商會議董。上海租界納稅華人會理事。中華國貨維持會執行委員。中國工商管理協會專門委員。中國紅十字會特別會員。華商皂業公會主席委員。明鋸機器廠董事長。浦東電氣公司董事。大豐工業原料公司董事。并於十六年五月發起組織本會。歷任本會常務委員。



照玉生先仙蝶陳人起發會本

陳蝶仙先生略歷

天虛我生。爲陳栩園之別號。在四十年前。刊詩詞於申新兩報時。別署爲惜紅生。字蝶仙。原名壽嵩。係前清優附貢生。浙江省杭州府錢塘縣人。科舉廢後。始改今名。蓋念古人詩云。天生我材必有用。而竟無用我處。故自號爲天虛我生。生平以格物致知誠意正心自勵。而於修齊治平之道。尤三致意焉。曾任江浙皖三省政務科長。代理七任知事。在蕪湖爲祕書。在紹興爲第二科。在鎮海。靖江。淮安。金壇均爲第一科長。理繁治劇。案無留牘。所具責任心。固異於常人也。自辦家庭工業社以來。歷經二十一年之奮鬪。亦復始終不懈。每日晨起甚早。恆在日出時。午後休息少頃。至夜半始寢。自謂蘇東坡以清閒爲一日如兩日。我以繁忙而一日如兩日。是以精神雖好。筋力就衰。握管持籌。往往自感痛苦。而又不能自解。或問其年。則笑而不答。但請人猜。無不猜爲近八十歲。是誠所謂人不可以貌相者矣。此係九年前之小影。適爲發起機聯會時。頗足以當紀念。近年自覺壯不如人。故殊不願多留色相於人間也。



照玉生先成九沈人起發會本